



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 151. Intra quod tempus conferri & occupari debeat Beneficium resignatum.

urn:nbn:de:hbz:466:1-42600

Q. 151. Intra quod tempus conferri & occu. 1030
 pari debeat beneficium resignatum. R.

§. I. Paris. Garc. Cbok. putant illos, in quorum
 manibus resignata sunt vel permutata beneficia, te-
 neri ea iterum conferre intra mensem, alioquin de-
 volvi immediatè ad Papam, propter dictam Con-
 stit. Greg. XIII., sed Barb. de jure Eccl. l. 3. c. 15. n.
 113. & Nicol. t. I. d. II. §. II. contradicunt, dicentes
 tantùm præcipi, ut negotium admittendæ vel reji-
 ciendæ resignationis intra mensem absolvatur, pro-
 visio autem ipsa relinquatur facienda juxta Canoni-
 cas sanctiones, nempe secundùm Cap. Nulla, De
 concess. præb., intra 6. menses à die acceptatæ resi-
 gnationis; quod inde colligitur, nam juxta Trid.
 Sess. 24. c. 18. de Ref., debet de parochialibus etiam
 resignatis indici concursus, & per Constitutionem
 Pii V. datur semestre ad illarum collationem, ergo
 cum Pius V. non derogat nec mentionem faciat
 Constit. Gregorianæ, signum est per hanc non re-
 stringi collationem ad unicum mensem; hinc do-
 cent cum Selv. Coras. Senis, Az. p. 2. l. 7. c. 30. q. 2.
 Cbok. de permut. p. 3. c. 17. Garc. p. 10. c. 4. n. 2. cer-
 tum tempus statutum non esse à jure, intra quod
 etiam beneficia permutata conferri debeant. Vide
 Leur. p. 3. q. 398. & dicenda n. 1108.

§. II. Si quis apud Papam resignet in favorem 1031
 alicujus, optetque ex justis causis adhuc per aliquod
 tempus retinere possessionem beneficii, notant ali-
 qui hanc esse praxim, ut curet resignationem subli-
 gnari & registrari, tum elapsis 20. diebus expectet
 ad sex menses nec curet expediri bullas, postmodum
 petat prorogationem aut novum datum: evoluto
 hoc tempore expediantur literæ, quæ intra alpes de-
 teneri possunt ad 6., ultra alpes ad 9. menses, intra
 quos si possessionem non capiat, obtinetur proroga-

tio ad alios 9. menses, postmodum ad alios duos, denique ad alios septem; nec ultra hos duos annos datur prorogatio.

1032 Q. 152. *Quid notandum sit circa resignationem per procuratorem.* R. Seqq.

§. I. Potest resignatio fieri per procuratorem, quia qui potest aliquid per se, etiam potest per alium, nisi lege prohibeatur, l. *Labeo ff. de procurat.*, nulla autem lex prohibet sic fieri, nisi quis sit praesens intra muros vel suburbia Romana, tum enim per Reg. 24. Cancell. debet per seipsum praestare magnum consensum. Vide *Leur. p. 3. q. 672.*

1033 §. II. *Bellam. Paris. Az. Castrop.* apud *Leur. q. 673.* dicunt procuratorem non posse simul & semel constitui ad beneficium idem accipiendum & dimittendum, quia quamdiu principalis non habet beneficium, voluntas & mandatum dimittendi est nullum & de subiecto non supponente: sed non video, cur mandatum dari non possit pro tempore futuro, quo habebit beneficium: hoc tamen videtur inordinatum, si velit statim dimittere beneficium, secundum dicta à n. 859.

1034 §. III. Laicus potest esse procurator ad resignandum, uti & ad acceptandum beneficium, quia nomine alieno agit tanquam purus Minister mandati, *Paris. Laym. Leur. q. 674.* Potest etiam esse Religiosus, si Superior consentiat & sit in utilitatem conventus, *Zabarel. Az. Castrop. Leur. q. 675.* contra *Vital. & Paris.* Possuntque plures constitui, vel in solidum, ita ut singuli seorsim possint consentire, vel tantum in simul, quo casu sufficeret unum consentire post alterum, *Paris. Az. Leur. q. 677.* Posset etiam non tantum in permutatione unus utriusque permutantis esse procurator, uti dicitur n. 1089, sed etiam in resignatione unus idemque